

水南詩集卷二

曾孫天祿第田重訂

春望

雲樹川原面面虛，春前悵望意何如？
茅茨散處千家遠，烟火平看十里餘。
正喜碧流通畎畝，渾獨憐黃髮尙耜鋤。
幽風大意無由識，莫爲齊民更著書。

夜經七曲山作長句

以下應召
北上作

炎雲赤日行路難，長途毒熱隨征鞍。
朝發左綿暮潼水，預期來日踰高山。
夜起披衣召徒侶，闇中覓路蒼崕間。
嶺頭祠宇盛千載，鬱攸肆虐聞今年。
黃冠募衆矢願力，重樓傑閣堪躋攀。
惜哉丙夜戶不啟，無從瞻拜神君前。
徘徊四顧未忍去，僕夫控轡催揮鞭。
我思世事悉有數，塵勞物役皆等閒。
二十年來重到此，布衣如舊嗟華顛。
登明選公豈無分，雕肝鏤腎非徒然。
此日騎驢向京洛，譬彼逝鳥飛雲邊。
蜀山回首且萬里，悠悠歲月類推遷。

劍州道中古柏

種樹何人惠澤存，榱桷老榦走長根。
廿年一度重相見，虎攫龍拏入夢魂。

七盤關

險逼金牛道，雄關半倚空。
月輪遮嶺石，雲縷散林風。
秦蜀封疆異，羌戎徑路通。
時平嚴鑲鑰，詰暴首論功。

途次宣羌州

山城斗大半城荒，勝國曾經幾戰場。
破瓦頽垣堪悼處，

路人猶說小紅狼、

華陰道中得微雨

昨夜風喧陌上塵，今朝微雨送行人。
不嫌霑灑衣衫濕，却喜清涼耳目新。
官柳日斜看道古，嶽蓮秋淨出天真。
蕭騷恰憶巴山路，愧說馳驅定許身。

渡黃河中流風濤舟幾覆幸而獲濟賦此志感

洪河雨漲波流急，岸上行人爭渡集。
僕夫牽船促我登，徒侶相將鱗次立。
後來誰何復數輩，鞭撻驢騾疾奔入。
我欲禁之不可能，人畜雜沓船難繫。
篙師振船向中流，驚濤四湧聲滄滄。
擢倚波心勢不收，浪花屢打衣衫濕。
千搖萬兀危復安，或死或生一呼吸。
同舟老幼廿餘人，

水南詩集卷二

二

呼籲倉皇半垂泣，我時張目駭瞻視。
默念禔躬坐憂悒，船頭忽拔迅如飛。
咫尺平流見原隰，艤舟就听各騰上。
禱謝幽靈掌合十，衆中窮子合罹災。
詎有婁公跛而及，得生物類亦歡喜。
臨路嘶風勞禁戢，抱鞍日暮怡悵生。
廿載江湖險未習，

道中有懷故園一二知己

臨途旋結他鄉侶，言笑雖歡志未同。
馬首秋雲山店月，故人時在我心中。

獲鹿縣曉行

客夢曹騰屢促裝，山城空羨漏聲長。
行窺星月秋光淡，路入槐楸曉氣涼。
寒熨一鞭成暫緩，倦舒雙臂愧新忙。

田家卧聽鈴騾過窗隙晴暉恰半床

紀病四絕句

序并

予以八月至都門緣道途感觸常苦霍亂然時病時已未甚也至九月初旬病益增劇嘔吐瘡痢諸症交作歷延數醫徬徨無措至十二日昏時悶絕向夜始甦咸謂不能復起宜治棺衾矣會同寓黃陂李君代致良醫鄭惠菴一投卽効次日病良已鄭亦黃陂人年七十餘精健樸誠類有道者嘗診予脈笑謂予曰病且瘳矣曷治裝還蜀無憂也予時厭病亟請易方君曰姑緩之藥以解病稍瘥卽休勿更滋擾然自此日一視予言詞和易畧無德色予甚感之而貧未能

水南詩集卷二

三

報爲賦四絕句以誌不忘

客枕昏昏苦憶家殘魂一縷漾京華最憐絕後重甦處
桐冷西窗日半斜

一病羣醫皆束手豈知盧扁在人間從容診視還嘻笑
俾爾康強返故山

和緩奏功非懶慢死生立判豈徘徊君能種德予當報
時有黃舟入夢來

君還楚地尚無期予返岷山在此時素志倘成身未老
將來離合不難知

病起

病瘡僧房兼暴下昏昏一榻已逾旬今朝始覺晴窗好

披得輕衣不倩人

出彰義門

來時入此門胸懷方黯然固知此門中袞袞多才賢我
持宿昔心何處別娉妍今夕復何夕僦車出門前丈室
苦喧卑堅坐夜不眠金臺同客者臨途欣我旋我旋有
何好茅屋居園田骨肉相扶携疾病相保全食力足自
飽不受他人憐以此合歸去天命在林泉

沙河

我乘一柴車日行不百里正爾厭蹉跎胡爲復得此積
沙沒兩輪疲馬汗不已寸進復寸縮亟前仍亟止旣無
挾輜力徒令壯氣靡道旁有村翁慷慨相料理百錢餽
兩牛驅以一童子叱叱使前行快比舟行水奔馳不須
與南林在眼底牛去馬力抒客心乃竊喜回首望沙河
茫茫風正起

河北

道經河北纔三舍眼底風光迥不侔架屋材資桑柘柘
耕田力任馬驟牛貧非清土饒二韭富不神仙占一樓
最是征途平似掌野風寒透黑貂裘

汴梁雜咏

原常碌碌况春申豪舉安能立大勳醇酒婦人空已矣
令人常憶信陵君

汴梁舊是繁華地直似花開一夜風千古盛名嗟過客

樊樓燈火在胸中

師師故卷今何在欲弔芳魂未有因却憶當時情思好
淚痕常爲送詞人

趙宋舊京饒往事百年閨憶有誰能夢華一錄傷心劇

說盡當時廢與興

繁塔寺

臨途攬勝知無暇得訪名區似有因雙樹蔭門剛到寺
一僧携杖恰邀賓盤中宿火檀煙繞塔下寒芳蠟燭新
茶罷倚欄看古塔不須初地訪迷津

吹臺懷古

攬衣拾級暮烟開名重梁園是此臺當日偶然生感慨

水南詩集卷二

五

後人隨處重低徊陰垂廣野風雲滿響徹高空雁鷺來
我亦牢騷思痛飲銷憂豈復愧非才

朱仙鎮謁

岳武穆祠

天遣純忠著大名故教賊檜並時生逢君賣國奸無匹
掃穴犁庭事不成在日回師關世運於今遺廟協人情
咸陽氣焰終何益鑄得烏金永不更當時士大夫諱秦相語皆曰咸陽

南渡君臣得意時史官公論更誰持敢憑三字莫須有

豈料千秋空爾爲顛倒是非隨已意混淆章奏使人疑

相臺一辯功何限不許奸邪得售欺廷臣章奏爲武穆論功辨枉者皆匿

之不使上聞又嗾奸黨故作詆奏撓亂史冊武穆孫亦齋先生始著程史及公陸棹編詳核歲月事蹟與史相証

次許州地氣漸暖

濟河纔幾日暖氣在中原蓄縮身能直安和意不煩曉
行雞喔喔暮止雀喧喧斜照茅堂下依稀似故園

潁水道中

予豈臨卽客勞勞道路間未堪縈物累聊復冀心閒鳥
下村邊樹雲開何處山嵩陽三百里無計得躋攀

途經汝潁間作

朝逐潁水行暮遵汝水住汝潁百里間人家雜煙樹屋
廬半華整斥堠亦周布尙想唐風淳可卜衛民庶是中
長子孫足以慰遲暮我懷頗有日物力苦拮据旣無縮
地術復有遯尾慮茲來詎偶然徬徨在道路望中如舊
都事事關情慄奈何物累牽更欲西南去臨晨發柴車

循途悵回顧

木南詩集卷二

六

赭陽旅夜

堅坐壁燈殘聊依倦枕眠夜寒生土屋更拆永霜天市
肆千家靜鄉關萬念懸小窗過雪影清夢始悠然

南陽道中

柴車停道左斜照挂林間野曠嵐煙接昏昏數點山

武林沈子明客會川時與予訂交別後五年之外

聞君徙家南陽今又十餘年矣予歸自都門取

道中州特欲過訪及次新店聞白河水凍行旅

斷絕兼遇山陰周君云近知子明作客旁郡距

家五百餘里予不勝悵惘改途西行車中賦此

君昔遷南陽裁書報我知我時方力耕僻居錦水湄相距六千里寧有相見期忽忽十八年懷思無已時今來過宛水訪君嫌已遲詎料津渡間凍舟膠不移兼聞君客遊焉知予在茲悵惘望南天改途復西馳憶昔初定交情性輒相宜山館發秋花操翰對題詩飲酒卽中戶終日啣深卮未久予遽歸握手傷別離君繼來錦城遊止還相追文章厚期我莊語同箴規君謂予宜以古人自勉必當有聞于後已復以事牽數日卽歌驪還家計遷徙曠志逃喧卑秋空有來雁慰我深渴饑君言愁似海予亦髯如絲人生不相見夢想空爾爲慚予膺謬舉青冥傷翅垂離京輒迂道合并宜在斯拜君堂上親撫君麒麟兒我談君暢然君吟予和之兩人具賓王相視無瑕疵何爲復相左顧景徒酸悲寸心漆與膠舍予當語誰巴山走中原荒微千厓屨歸當臥岷嶺十畝收蹲鴟重來更何日尺書空問遺

水南詩集卷二

七

宿野店夜頗靜因得小詩

倦客安茅店清幽似故棲數聲微到耳寒犬共村雞

浙山道中

客路纔南國於今又一方城頽知縣古村散覺畦長望楚遙天碧連秦厥壤黃晚來投野店風物倍荒涼

秦嶺謁韓文公遺像

公以直諫謫被命之潮州崎嶇度茲嶺嶺名著千秋忠

誠輕一死豈恤南荒投政成復內遷炎海未淹留茲土
知重公廟祀居嶺頭時代卽桑海香燈常不休我來值
冬季凍鳥鳴啾啾整衣肅瞻拜四顧生煩憂公昔耻俗
學輕薄似俳優詞科不入選視之等浮漚雄文振積衰
百代孰與儔賤子生異世未得從公遊謬舉忽相類失
利安足羞丈夫貴自勉升降良有由願言仰芳躅日暮
心悠悠

道經碧天洞日暮不得登覽

塵踪空憶洞中仙仰面危梯意惘然何日鞭鸞追伴侶
會從雲外俯秦川

途次藍田訪輞川遺蹟

水南詩集卷二

八

高人遺蹟在千載一荒蕪倡和當時快風流絕世無疲
驢尋輞口細路指樵夫惆悵憑誰說囊中空畫圖

道中感懷

客行何事鎖眉頭萬里輪蹄卒未休曉月村原雞喔喔
斜陽山谷鳥啾啾畏人心惻寧堪憶知己情深豈易酬
恩怨未忘身漸老腰間空自佩吳鉤

馬嵬

倉皇朝士散大義孰能伸常日惟于進危時各愛身駢
誅楊氏慘僞號衆官新凝碧池頭宴伶工是偉人
女禍原堪畏當時事亦非未蒙一戰力先假六軍威扈
從聊西去周旋遂北歸桓桓稱將者何以服楊妃

又絕句

尹邢相妬總嬌痴禍福交乘兩未知地下太眞淒絕處
江妃應死太平時

佛堂梨樹事如新驅命輕於道上塵事後君王思國色
西風南內是愁人

郭李功成幸蜀回一杯荒土足徘徊可憐不負當時意
曾聽巴山夜雨來

客行歎

朝辭逆旅日未出暮投逆旅日已沒朝暮奔馳不得休
冷露嚴霜斷肌骨我昔戰勝忘紛華關園植圃襟情賒
何爲今日墮塵土空負山堂梅作花山堂風景時時好

水南詩集卷二

九

五十之年予亦老還家定擬鹿皮翁不使世人稱小草

益門鎮

山寒夕氣深樹豁陰霞歛循溪蹈沮如登棧歷岬丁頗
聞冰雪多予亦試新險

煎茶坪

攀確山途縈峭絕冰泉布路凝如雪榭垂枯葉響岬風
寒氣森森肌斷裂我時十步九頓轡自笑疲驢同跛鼈
朝行及晡始到頂目曠天空人境別微嫌煩渴口生煙
不覺冬寒成夏熱老僧燒鼎旋烹茶苦道山貧苾芻劣
杓取一吸喉吻潤倉卒作綠成喜悅前人紀實遂名坪
縱有佳稱當不屑天開雲棧豈無意距蜀通秦萬曲折

四山環繞此獨尊俯看兒孫各羅列嶺頭屯戍置一旅
寇盜雖雄亦影滅李白曾稱蜀道難撫時觸事愁心結
世平但使病暍無今日劍門險空設

宿馬道夜夢家園雙鶴

夢到家園景自清梅花深處露禽鳴覺來旅舍殘燈爍
聽得灘喧徹夜聲

沔縣諸葛武侯祠

士生三代後出處多失宜武侯耕南陽不與當世期先
主旣屢顧慷慨方酬知三分豈其志奈何勢與時艱難
受託孤嗣子良駭痴不可當自取苦語發深悲矢心在
盡瘁乘時惟出師惜哉大星墮國事不復支伯仲見伊

水南詩集卷二

十

呂後世非諛詞樹立有同異千古一操持

峩峩定軍山宰木圍高壠千古一卧龍裡祀常尊寵祠
屋鬱相望松柏亦修聳岷隸供香燈歲時來接踵我行
屢經過牲醴未及捧拜瞻空復然碌碌類卑冗俯觀漢
水波淚與寒濤涌

丞相名垂宇宙長千秋遺像在祠堂稱量伊呂堪同調
僥倖孫曹得後亡墓道祇今臨漢水諸孫勿復返南陽
定軍山下香燈盛薰德岷人合善良

身任艱難手定傾智愚咸慕武侯名權宜霸術二分國
算勝王師兩出征陳志已能標事蹟杜陵尤爲著忠誠
握奇遺意今誰識浪說前賢畏後生

金牛峽

兩峯插高天一溪浸寒水騎行亂石中如入幽洞裏須
曳出沮洳石磴乃昂起峯巒旣秀拔林壑亦茂美緬想
西南夷各自一疆理奈何羨金牛徒合壯士死秦棧一
以通往來必自此後人爭割據有險亦難恃荒哉嗜利
人徒貽亡國耻

雪棧行

陰風夜吼蒼岷裂欲雨不成成急雪我跨疲驢覓路行
亂石平鋪混凹凸况乃懸岷垂一綫履險穿空經萬折
蒙頭毡笠罽纏身強頓寒韉縈峭絕四山環繞雪盈巔
濃淡精神各差別或畫瓊田恰正方或挺瑤枝無斷缺

水南詩集卷二

十一

峯頭遠樹更踈秀天影雲光相映徹下視道旁溪谷深
水間淺瀨鳴幽咽夾谿被路卽喬林絮挂繒垂紛以結
枯藤老榦亦妍美行潦蹄浴各清潔是時周覽已忘倦
體畏巖凝心頗悅昔年劔棧過詩人細雨騎驢艷稱說
何如雪下把吟鞭咳唾隨風飛玉屑余慚大手頗好事
刺莒未甘聊忝竊梁園詞賦倚池臺處士林亭傍囅穴
人生老作田舍翁宇宙清觀豈虛設

早發鑿江

一雞叫荒野遲遲將五更披衣起默坐漸聽羣雞聲窗
間海色動枝上霜華明舟師理篙楫行子方遐征江空
曉風烈山湧遙波迎遠目領寒翠幽素豁中情客遊改

時節身事迫經營滯跡豈不傷物累非徒櫻懷哉陵藪
士終謝天涯行

會川春望

喚起窗全曙催歸日又斜柳青踈地葉杏白過牆花細
路橋通市平田草沒沙春風吹野色寥落幾人家

園居漫興

竹屋柴門靜不譁經營初似野人家埋根石筍纔生節
分本山礬旋作花白嶽夢騎天外鶴青城僧送雨前茶
俟芭老去無佳客一卷離騷坐日斜

汲惠山泉歸舟試新茗

一泓當勝地杯飲亦良綠淡與雲腴竝甘從石脈傳斷

水南詩集卷二

七

鑄畱細響孤艇學春煎此夜梁溪月腫臃隱綠烟

觀光臺

俯檻疑無地凌雲別有天日華千縷合寶暈百重圓幻
化皆成相空明可悟禪由來銀色界得見爲金仙

夏夜聞笛

獨坐聽橫吹西邨送遠聲風回時斷續月上轉淒清盛
暑忘三夏涼天欲二更山陽多感舊悽惻到平生

園居

園居觀造化容我占凡愚學懶千秋失家貧一事無助
吹從素女胎息準凡夫剩有幽求意衣冠不貌儒

春暮邨居雜詩

邨邊聊曠望市井鬱縱橫出門無所之抱此終古情迴
溪揚素波列樹敷新榮遲遲上朝日林邱雜花明卽事
愜心賞戾俗慚合并途窮非偶然信步聽欽傾遐哉嗣
宗哭千年聞其聲

悠悠清川動石瀨激微響烟豁曙光飛徑與風蒲往白
雲挂青城變滅紛遐想冥情慕冲虛謝累獲馳蕩朝飯
壠底牛晴曝沙頭網畊漁諳力作童叟共偃仰撫景欣
良晨于焉及清賞

岳州望湖

洞庭恣奇觀江河失清景紛來眾流匯倒入亂峰併相
映有長空渚嶼皆感境日夕水程迫天霽遙波靜帆席
爭一風後先各俄頃斜日明何方晴山在荆郢乘高偶
延伫遐矚亦已遲泱漭夕氣深蕭條寒色永歸飛過羣
雁音響略可省我身落扁舟無爲傷斷梗

獨飲看白蓮率爾成詠

小園足嘉卉玩時臨眾芳茲月未盈旬蓮華開半塘我
憑曲檻坐愛此朝氣涼初日映鮮碧逆風時一香孤邨
乏儔侶清賞白晝長托身澹蕩中如上君子堂相期證
白業不欲矜紅妝人生懷抱佳常恐哀樂妨濁醪有妙
理餘事忽以忘旣非北巷阮亦異南山楊悠悠天宇閒
千載寄羲皇

紅蓮

凌波環佩是邪非秋水紅葉露正微篇什和凝惟主富
畫圖周昉不嫌肥嗤他斷嶺松三鬣陋邵豪家玉一圍
記得臨平山下路往來因爾戀斜暉

賦得萬里橋西一草堂

卜築誅茅緣底事江波林影爲誰春經霜老樹枝猶綠
面水層軒蹟未堙歲月幾經題甲子山川依舊屬詩人
千秋光燄文章在莫道狂夫竟隱淪

石定江以南二十里中邨落清幽田疇甚治知其

農力勤矣

淡淡烟雲裊裊風傍山景物勝山中一川樹影流泉活
十里人家細路通夏淺春深時正好犁廉勞再術應工

水南詩集卷二

十四

賣書買宅真吾事問爾溪西與澗東

小園梅花一首

樹樹寒香總得春時時相對也宜人三年楮葉初成質
一夜蒙莊化後身勉共雪霜占閱歷懶從風月鬪精神
園中老輩當誰是看取羣芳委後塵

蘇橋晚歸

更尋溪畔路卻望晚來山野艇隨飄泊孤雲自往還酒
邊農唱夥牛背笛聲閒我亦躬耕者移情畎畝間

讀沈子明題贈

聞君希孟子蹤跡半江湖當路何時據清詩不可無興
來頻載酒佳處幾停艫散朗風神在憑誰畫作圖

七夕

雨後良宵在燈前野興孤談惟兒可共飲以婦爲徒瓜果虛陳設星河淡有無蕭蕭池閣迥秋意滿菰蒲

園居自述

塵事多增感幽居自賞心烟流三徑曲苔滿一堂深好月留秋思疏窗駐夕陰課花兼課讀不使舊愁侵

移梅

剔苔穩植護霜根自酌花神酒一樽爲喜國香逃世眼自註蘭爲國香坡公以之屬梅亦覺允當不嫌春色占荒邨多時水畔疏留影獨夜窗前淡有痕物外逍遙知已在欄杆消受幾黃昏

水南詩集卷二

五

偕滕振斯登城遠眺以往來成古今爲韻五首選

四

疇昔愛春城無事卽孤往路隨烟草紆身逐風花上雲山故多情招余弄閒做胡爲一徙居廿年勞夢想今日覓新歡依然逢舊賞遠峯碧于染芳岸平于掌佳人今在茲樂與逃塵鞅

昔交毛與胥

自註翁翁王章二君

向余懷抱開春日百草長茲城

時一來呼樽坐芳樹展席臥新苔薄醉更悲歌慷慨矜

豪才轉矚事已往異趣迹亦乖胥子登鬼錄毛君累官

階方今及清賞同游安在哉眼橫他日山手持今日杯

人生貴適意何必書麟臺

高城瞰春江平林翳枉渚草舍紛接連阡陌閒樊圃歷歷平生懷世味雜荼苦風景尚依然誰作雲山王昔聞龐德公足不入州府茲遊亦偶偕內念寂無語回首廿餘年已具一今古

邨居厭平曠蓄意惟高深陟茲不百尺悠然快登臨何必指與呼默坐清余心江波正淼淼堤柳還森森兩人具情慄有酒須酌斟往事勿復陳佳賞方自今

題鍾馗圖

南山進士古豪客能以劍鋒殺鬼魄耳聞鬼聲首回顧戟鬚鐵面雙睛怒魚腸著地雙虬吼黑月無光劈歷走開元宮中曾入夢吳生寫神顏色動拂拭高堂懸素壁魑魅宵奔狐兔絕跡而今白晝羣魅嘯蛇神牛鬼情難料願公倒提三尺水鋤而去之余乃喜

止止庵

蒼松間修篁繞逕清風起恍疑輞口莊有館在竹里屋角散巖花檐前接溪水山北此權輿見此已心喜行行方縱觀安能遽稱止

武連驛鐫顏魯公逍遙樓三大字碑

魯公書法絕世無密行小楷書麻姑干祿爭坐見行草銀鈎鐵畫精神殊我昔南遊購三緇始勤終怠臨摹疎此日驚見此大字神彩奕奕難形模逍遙樓圯亦已久鬼神呵護存山隅世人臨池歐柳貴亦頗爭嗜褚與虞

後來紛紛取姿態，譬如嬌女慚非夫。公性剛方筆勁挺，
衆中南面當稱孤。野寺僧廊此增重，頽垣敗瓦逾名都。
猶恨碑旁半崩剝，當時歲月空模糊。學書不成余已老，
生平向慕聊區區。徘徊坐臥不忍去，西林欲暝山禽呼。
二月望前三日招友讌集小園，卽席分韻得書字。
布簾高捲紙窻虛，接席清談興不疎。隨處賞心塵外景，
幾回披覽架頭書。勾欄月淺移樽數，榼榼爐溫鬪茗餘。
共詡韶光頻舉似，海棠枝上小紅初。

自白鹿谷入沙灣

蒼峰萬仞壓喬林，蒙密松篁卓路深。撲地冷風搖野色，
高天斜日漏層陰。時聞瀨響知春動，漸有霞飛覺夜侵。

水南詩集卷二

七

處處靜緣堪，嘆賞住山常抱一腔心。

題秋壑晚晴圖

淡抹寒烟濃點霞，數株衰柳欲飛鴉。溪山斷處行人絕，
影入秋光碧一涯。

青羊宮西臺

秦關正東開紫氣，如烟霧不見騎牛人。踟躕未能去秋，
風吹錦水流響入深樹。

紅崖晚眺

雨歇樹聲靜雲停，山復回玉弓西嶺挂瀑布。晚天拋畫，
手宜崔白詩情可。孟郊窮時多自放，野老莫相嘲。

與雲野泥飲花間

浮杯芳樹底花晚見春深好醉一壺酒同澆千古心我
酒雖中戶興與伯倫等一斗亦云醉平生良未肯百罰
領深杯能飲不須猜餘瀝灑花枝小紅落一階烟霧樹
色暝日落山光沒我醉花不知舉杯更邀月

秋日鄉居一絕

惆悵年光夢裏過那堪秋草臥烟蘿來朝更憶江南好
黃葉村中紫蠟多

齋前有梅余所手植也辛卯仲冬將之吳楚以詩
別之

前生有約自瑤臺莫道扁舟去不回花若有情能憶我
南枝休向早春開

水南詩集卷二

六

十一月八日初發錦官驛

寒風吹野水朝日上烟樹慷慨促舟楫殷勤別親故吾
廬雖可愛去去勿復顧從此下三巴天涯縱高步

夔州晚眺

急峽奔濤去不還古今情事兩悠然臥龍祠古名空盛
躍馬城荒跡僅傳暝色漸歸深樹裏寒風陡起暮江邊
堪嗟行役無休息簫鼓頻催上瀨船

夜飲寓齋卽袁中郎捲雪樓故址

高樓臨野岫春色在江村漫捲他年雪空浮此日樽幌
烟輕有態窗月澹無痕對景慚清賞羈愁孰與論

舟夜聞笛

江上誰將玉笛吹，倚風微度故遲遲。遲遲調催繁會聲彌切，
响入清商聽轉宜。客夢驚回寒月外，鄉愁喚起夜燈時。
山陽舊恨知多少，莫弄梅花感鬢絲。

黃鶴樓

飛樓憑遠風風吹，碧雲斷繚繞春城峻。氛氳柳花暖焚
香，達瑤階。心魂共蕭散，雲翮不能招。思向蓬壺滿。

春曙廬卽事

山館辭垢氛，俗客無枉顧。春風秀西嶺，雨泥不可步。坐
看窗外花，黯然抱情愫。時有幽禽來，雙雙啄清露。

南漳道中

迢遞西風裊，天涯耐苦辛。愁鷗號古戍，俊鶻決秋旻。地

水南詩集卷二

十九

曠沙全白人，稀路半湮野。烟吹馬首千里暮，寒新

舟次襄陽

小艇來襄陽，却對長門曙。東門一門名長門門前紅蓼滿堤上，青

泥淤南雲，自去來佳期在何處。

紀別

郎官湖畔解輕舟，緩撥蘭橈水自流。紅樹過雲遮望眼，
一天離思沒於秋。

太真墓

玉碎香銷夢未回，年年春到野花開。仙山難覓鴛鴦塚，
惆悵當時金粟堆。

抔土埋香劇可憐，他生何處覓嬋娟。情痴只在人間世，

浪說芳魂化作仙

葭萌道中口占

葭萌西上好山無醜石
砢砢壓路隅倦倚征鞍頻遠望
白雲影裏覓烏奴

北遊歸來村居自遣

好向晴溪理釣緝炊梁曾悟浪遊人
江風海雨饒經險
草服黃冠豈患貧
一夜娵嬛思舊夢全家畏壘趨閒身
柴扉晝閉書堪讀慚愧當時馬上塵

秋日鄉居偶成

烟草寒溪路欲溼
一林紅葉作秋新
朝來扶醉橋邊立
絕似營邱畫裏身

水南詩集卷二

五

臨邛對酒漫賦示友雲

休令意緒轉荒蕪
好醉臨邛酒一壺
君看文君遺井在
至今香韻不曾無

過相嶺

絕徼山愈峻經過興自偏
沉冥分下界爽豁見高天
鳥影迴眸送星光對面懸
短筇扶絕頂輕舉若飛仙

道中雜感其二

曾於蓬戶傲羲皇
今日飄零適四方
薄俗敢希容固陋
短才終愧落疎狂
心悲逝水人千里
目斷寒雲雁一行
解得虞卿宜有託
考槃踪跡付微茫

北遊井序

乙未秋日余以他故率將之京華爲數年留計不然漫希一遇非情也離亭樽酒後道中風物頓異舊觀感事增愴詩以紀懷

風前悵望思悠悠慣被離觴送遠遊過眼蒼茫迷上國滿懷淒冷動高秋憑將楚客千金劍敢臥元龍百尺樓慚愧當年招隱士故山無計得淹留

山行漫興

蜀棧於今過竒觀不我遐山高仝五嶽水折似三巴雲
破峰巒變泥淤道路賒晚風聞地籟落日見天涯廟享
孔明汜居傳元彥家含情遙望處斷續鳥行斜

沔縣道中望武侯坪有感

水南詩集 卷二

三

征塵影裏過荒村風物依稀認里門余幼時曾隨大人家此山遠

野空頻極目燕殘鶯老恰銷魂年光逝水添新漲人事
飄蓬遠故根慚愧頭顱猶似昔悠悠懷抱不堪論

雨後宿青橋

霽色秋空薄暮時異鄉情事總堪悲幽巖路滑人行倦
野店糧空飯熟遲衣上雨泥剛欲洗耳邊風葉不勝吹
呼燈旋掃西窗榻一枕蒼涼夢可期

虎邱登覽

柳風吹路淨埃塵香霧霏霏景色新千古霸圖留廢塚
一朝遊履占青春聽歌漫遣閒中日說法難尋物外人
徙倚正嫌幽處少畫船簫鼓競通津

食楊梅限韻

弟兄盧橘舊曾聞，纍纍水盤寄亦殷。碧葉慣看蒸霧雨，
頰珠猶憶綴炎雲。初疑酢可調羹用，漫許甘從隔坐分。
占盡南村應不忝，肯教荔子獨超羣。

題劉文少霜天曉發圖

劉君自昔稱人豪，縱橫意氣秋天高。偶憑畫手寫遊狀，
高冠雄劍常囂囂。當年慷慨辭鄉縣，燕趙秦吳踪跡遍。
曾嗤彈鋏抗歌聲，不事處囊誇末見。此日離亭欲別離，
輪蹄競逐將安之。柳外矇矓墮霜風，金樽勸飲顰蛾眉。
臨路踟躕猶立馬，老蛟縱壑雲垂野。鳳觀虎視非徒然，
就中懷抱誰知者。一身萬里無與偕，隨時舒卷用不乖。
會看羽翼得遠奮，翱翔霄漢光吾儕。吾儕壯志何終窮，
余亦勞勞塵坳中。披圖坐對自恹恍，耳邊浙瀝聞西風。
不計蓬萊水清淺，麇閣雲臺至今顯。吁嗟山澤空陳人，
應笑雄姿久更新。

偕友人江樓夜飲

拉得天涯詩酒伴，江樓買醉許同過。簷前海月當秋霽，
檻外風燈動晚波。觴政不嫻聊退避，詞鋒相競恥媿媿。
漫教景物憐羈客，萬里歡情此夜多。

食海魚不知名戲作

秋風幾日憶江鱸，海物登盤品類殊。鱷鮪也知堪作鱠，
翻疑爾雅悞人無。

甬江雜詩

青帘搖曳客頻過薄飲江樓有醉歌倚遍欄杆人未醒
天涯悵望奈情何

江畔人家在隔村迢迢烟水共朝昏烏篷艇子時來往
柔橈咿啞易到門

曉發桃花渡

多時慙旅泊今日是歸舟回首羈棲鄞江邊草木秋

吳下閶門

濟濟閶門外秋風一棹過市喧吳語滑舟聚越人多夾
岸輝珠貝連樓豔綺羅古來流化好誰爲更揚波

儀真天寧寺東坡井

水南詩集卷二

三

耳目困煩喧曳履尋幽趣昔賢有遺跡古刹差可赴門
徑絕氛埃松竹閒烟霧高殿鬱巍巍修廊莽回互殿側
敞雙扉曲折蒼苔步髣几祀坡仙瓦爐明小炷臨階古
甃存傍砌石蘭固昔公於此間漱泉安杖屨高情托夷
遠千秋如旦暮緬希塵外踪愛此庭前樹悠悠羈旅人
佇立忘歸路

仲冬望夕再過白下因成短歌

今年春仲曾此過雨雪已罷東風和天桃花開柳絮拖
恍如身在風月窩今夕何夕愁思多慊慊鄉心淚滂沱
露沾野草霜沿坡素月無輝雲蕩麼隱几不寐如抱疴
發聲慷慨成悲詞詞曲未終音已訛寒飈慘慄江搖波

帆席蔽空催去艤時節累易徒蹉跎客行不歸將如何
皖江西港人家

居餘竹石地無塵茅舍疎籬在水濱氣象寬閒疑樂土
衣冠簡樸類幽人波迴古岬江天濶草入荒陂道路溼
世上華軒應絕跡只須二仲與爲隣

登石鐘山江聲閣

我昔珍片石攀援忘險隘况乃歷茲山峯巒足靈怪虛
閣坐彌永清興良未懈日以彭蠡遙心爲匡廬快匡廬
雲忽飛蒼翠落九派水激亂嵯峨洲迴阻澎湃烈風吹
石罅一一清音邁緬彼區中緣適無俗慮敗良遊發竒
觀何似超塵界

水南詩集卷二

十四

舟過九江

一篙斜日艤江隈獨坐篷窗望眼開挂席有時經孟過
籃輿何處見陶來青歸半嶺多寒篠白散深村放早梅
那得寬閒容買醉琵琶亭下少氛埃

舟夜雪

倚棹看飛霰遲遲勢漸成岬邊初壓壘篷背正縱橫漫
識因風舞微聞折竹聲寒霄堪益睡魂夢可雙清

漢口歲暮復值率率將之黔中賦以誌感

萬里羈棲改歲華誰令湖海便爲家扁舟自泛朝宗水
旅思羞同赴壑蛇堂上萊衣頻入夢鏡中潘鬢漸堪嗟
浮生莫漫傷流落滿目江山路更賒

湘陰除夕

舟泛臨今夜悠悠歎此身燈花懸舊影爆竹起新聲
漫滯瀟湘跡空懷秋杜情那能棲樂土終歲得無營

元日

客况初如故韶光已至今灤河波上棹迢遞楚南心
射虎虛長技雕蟲枉寸陰悠悠塵坱裏莫使舊愁侵

返棹湘江洲渚間有鳥素羽長喙凝望波中舟人
謂之水鶴又曰翎雞因題短句

毛羽何多潔風姿竟欲仙飛餘江外路占盡水中天
已被魚蝦忌難邀雁鷺憐張華稱博物終遣姓名傳

紀夢

水南詩集卷二

五

永夜通遐想飄然夢十洲信憑青鳥寄人共碧雲留
冠珮臨金闕笙簧響玉樓木公如可拜仙路得羣遊

過嶺拜關將軍遺像

壯繆聲名海宇同將軍名亦著南中何年嶺上標
祠宇俎豆於今有父風

宿瀘谷村舍

溪露舊痕秋漲失戶飄落葉晚風生不辭高枕聽
遙夜細認灘聲與樹聲

曉起看花次毛翥蒼韻

暗飛花氣曉烟中次第疎籬白與紅不道光陰
消受得半天高柳漫搖風

薄暮喜馮雲閑至

二十年前共讀書春燈細雨夜窗虛今宵花月還相見
海外逢仙快不如

翥蒼訂春半過我及今不至每對時物輒懷因貽
長句

年光瞬息二毛侵病思離悵故深小徑不來高士履
春風那解野人心自將髮几凭花檻獨聽黃鸝坐柳陰
朋輩二三君好我應憐抱膝有微吟

蝴蝶花

風前一樹錦蝴蝶粉翅翩躚欲亂真我笑問花花不語
可知同是夢中身

水南詩集卷二

五

贈懷章江生

邂逅名初問周旋義已孚人疑來碧海術偶秘青鳥雅
操羊求共清懷管郭無益州多市隱莫漫去江湖

久不見章二俠君暮春過訪園中芍藥盛開留語
竟日賦此申意

當年春半來君家繞屋種樹如紛麻今年歲月不可計
枝柯拂地根交加到門剝啄綠陰覆小院寂靜無喧譁
黃茅新葢看花屋延我入坐欄前花是時芍藥初應候
紛紛紅紫相矜誇南禪清供已莫致溱洧投贈恐所嗟
衆中一本乃奇絕輕紅淡白尤堪嘉美人微醉暈兩臉
殘河欲滅烘流霞微風披拂映堦動翩若夷光來浣紗

主人釀熟怡賓至奇癢正爾逢搔爬客胡不飲亦已俗
更呼童子爲烹茶夜窗幽臥應妬爾坐謫芳氣願已奢
此花豐碩知者衆我亦欣賞非嗜聊談諧足快不覺暮
青林接翅來昏鴉田中阡陌交茂草歸路徐指風蒲斜
來春問訊更過此樹綠花明不我遐

山中春望

地僻宜登眺雲垂失杳冥一峰當面紫雙樹比肩青土
脈齊雍豫春光妬尹邢他年堪聚族人物共英靈

白鹿寺訪佛圖澄遺蹟因贈山僧月松

壘石生蓮事不同道人休嘆此山空而今艱下春如舊
羽葆何因望後宮

水南詩集卷二

七

新茶

茗飲期今日春芽憶往年霧中初受摘雨後恰堪憐瓦
銚催槐火甕甌貯石泉未須逃水厄果腹任高眠

木芝

得自白鹿溪邊大可尺許膚理光潤正中有紋如
繪雲水霧然二羽客乘槎緩渡奇而賦之

石芝類瓊瑤燦爛神仙家肉芝秘土壤紀傳徒矜誇何
物山下木朽質生英華翼翼流片雲灼灼烘微霞肌理
足堅緻顏色無疵瑕上有道子筆刻畫浮仙槎銖衣曳
雲佩宛然覆髻了陰陽蘊妙理呵護鮮過差云胡委溪
畔敗梗相欹斜頗謂遭劫厄逋逃在泥沙不惜衆共棄

應爲識者嗟龍見白虎仁稱瑞亦已奢得此勿歡喜諛
頌羞三巴

汪扶九先生歸自江左因成長句奉簡

前年春半言別時殷勤預訂同遊期先生行念曲水讌
我亦往詠南山詩古稱絕國相去遠人生會面安可知
飄風吹雲墮吳會長夏捩柁臨江湄欲訪遊踪慰契濶
却慚芳躅難追隨金管玉簫肆吟弄山光水色供娛嬉
榻來常潤不相值獨往寥廓空爾爲四明邑令我惠子
十日劇飲方從之片紙忽驚告失怙青袍作客成墨衰
平生特憫泉魚泣世俗詎諒匡章悲湖流西上秋樹脫
急峽東注孤舟遲迂途越嶠倍經險歷履卬筭非探奇
解裝冬杪萬里畢讀禮窮鄉雙髻絲一二親交風雨散
百千鬱悒當語誰頗憶先生撥歸棹不忘賤子信總帷
入眼茫茫益增感中心養養難自持從前歲月不堪問
江上逝波方渺瀰

試硯并序

水南詩集卷二

六

湖村汪丈歸自江南貽余澄泥硯形製樸雅惟收
水處少缺同輩共爲惋惜然發墨宜筆不害其美
也往見前人考核澄泥本末或云虢州或云廣陵
此硯得於維揚古寺墻下當非近代贗作可比雖
有損處如王家吳研以潦固之亦可以悅觀者矣

因成短詠廣一二知已

廢甕因時見，良工琢硯成。泥沙原抱質，金玉偶同情。莫倚聞多異，猶憐迹未明。爵臺餘瓦在，銖兩較難平。古製露微缺，局觀嗟害成。爨桐饒有意，弦月豈無情。濡染年應久，摩挲眼倍明。蟲魚須好註，莫漫負生平。

嘲道人

高閒無事著殷勤，讀罷南華酒半醺。一室凝塵渾不掃，手持鸞尾望山雲。

天井泉

四壁蔓蒼藤，一泓依翠樾。蕭疎氣偏靜，淡泊光不歇。素綆激寒風，冷冷梳石髮。

鴛鴦池

水南詩集卷二

元

清瑩峰頭水，遙連天上雲。日華融冷翠，冰斷出疎紋。蟠處龍無迹，飛來鶴有羣。人間多瘠壤，甘澤幾時分。

和陶善長先輩有感元韻

粟里閒居獨寡營，問余心迹未分明。山中叢桂啻無意，澤畔幽蘭亦有情。漫把漁樵嗟往日，好期晨夕對先生。論文說劍都堪笑，攜手濠梁自在行。

幽居徒抱野人情，與世參差漸寡營。欲擬新聲拋舊譜，正如北客試南烹。筮當剝果心頻賦，歌到滄浪意自清。數畝村田聊種秫，多時卜宅待泉明。

荷池有述

先人昔築五畝宅，雜樹嘉木當田南。中有方池受溪水，

清如曉鏡開塵函蘸波蒲稗自嫋嫋地楊柳常氍毹
年年六月菡萏發高茄四起爭紅酣爰雲赤日了不畏
千花萬草能無慚今年種藕拓益廣花深波濶尤所航
有時攜樽醉池上胸懷坐失憂如燠雙頭任取溪女折
素實頗作村童甘清分之水不可盡爲普舊德非吾貪
春中晤太史董雪畊先生遂歸村居逾時不復請
見今以七月一日爲先生初度適忝賓次賦此
以當壽言辭意鄙樸所不計也

秋陽暑方盛爰雲夾路垂襪襪默相望紛紛空爾爲是
時高齋中左右清風吹塵俗日以遠佳賞良在茲誰謂
娜嬛幽始得耳目奇文史肆吟弄今古供娛嬉世人覬

水南詩集卷二

三

非分奔走困不支何因效掃門及此方下帷繁露悅可
學不惜相逢遲卓犖信偉人安雅自君子悠悠任運心
靄靄固如此壯歲臥邱園徜徉屢逾紀今日更稱觴良
會及桑梓頌祝亦恆情靜壽乃其理匪託平生歡願言
自茲始

晨曦明壽域烟裊金爐香醉翁門下土纓珮合登堂一
一占廣座燦燦傾霞觴主賢賓亦嘉不覺白日長我慙
麋鹿姿故無羔鴈將逡巡最後至次第賡篇章仁者膺
大年爲樂殊未央清風吐高論何必非笙簧

題漁家樂畫冊

小舟啣尾碧波深老稚相呼坐柳陰歡笑叢中堪度日

阿誰知有濟川心

題對奕圖

維彼仙者游處玄微日長對奕凝神運機翠藹不流白
雲自飛碁聲剝啄空庭語稀動靜赴節勝負有歸一枰
方罷允著芳徽

草堂燕集次劉康成先生韻

攜壺共取江村路趁得晴光拜少陵風雨千秋餘廢址
園林十畝入荒塍草中碣斷猶堪讀烟外臺畝不可登
幸有清陰能醉客竹蘭臺榭幾回凭

書麻姑畫册

負桃一枝

仙人居度索有桃不貪飽世人慕綏山萬緒徒擾擾我

水南詩集卷二

三二

欲問麻姑青枝幾時杓想爲金母壽竊等曼倩巧霧髯
與風鬟似鄙塵容姣勿復輒過人徒令覩烏爪

平定西藏凱歌

由來黠虜畏先聲萬竈遺煙冷舊營追過河源疆土曠
不須空築受降城

萬里師還息鼓聲已聽聲教到天西漢家封賞由來重
應爲元功錫命珪

送談師陸歸里

千里曰歸心自歡秋風放棹水雲寬不知朝暮幾回笑
下盡戎瀘無數灘秫酒漸香宜快飲江魚正美好加餐
他年會作賓王客金粟花開合再看

寓齋雜咏

蕭蕭竹樹映匡牀，冷翠侵衣雨氣涼。
晴日乍搖窗外影，便看蝴蝶弄秋光。

堦移柳影日西斜，門掩蒼苔靜不譁。
燈火未來書課了，循簷負手數歸鴉。

曾誇釀熟勝燒春，卽得開筵膾錦鱗。
甕底不堪尋故事，枉教明月照閒人。

散盡黃金爲買渠，每嗤彈鋏嘆無魚。
摘蔬漱水秋窗下，何允當年恐不如。

黃雞白酒憶他年，小疾兼旬瘦可憐。
絕似髯蘇居海外，欲乘飛鶴號臞仙。

水南詩集

卷二

三

華邴心情雨不移，打窗風雨更誰知。
篝燈獨坐攤書卷，正是飛蚊繞髻時。

秋日村居

遊鱗簇餌正清秋，溪水含烟靜不流。
差似襄陽風味好，一竿時得釣槎頭。

衰柳殘荷抱小亭，草間藍菊一星星。
兒童也解秋光媚，乞取柔枝入淨瓶。

牽牛淺碧蓼微紅，些子幽芳氣運同。
二月百花如火急，可憐多事是春風。

清池碧藻水禽飛，小圃疎籬桂四圍。
金粟柔枝添雨重，銀鱗墜釣恰秋肥。

尹園蜜芙蓉菊佳種也立冬前一日花猶盛開
三人分贈一本仍以蓉字索詩卽席賦謝

色如巖蜜態芙蓉秋老荒園爾正濃自信蕭疎原耐久

誰知踴躍更臨冬昌黎詩少年飲酒時踴躍見菊花澹烟欲護蜂房潤

初日疑看水面容贏得一枝爲我有東籬樽酒任過從

題海屋添籌畫冊

竊藥偷桃事亦奇仙家歲月許誰知添籌自有無窮筭
莫問蓬萊水淺時

去蔡笠齋村居里許野田中綠萼梅一株大可合
抱蒼蘚盈枝垂蔭半畝眞前朝物也入春花纔
半放予與同輩嗟賞久之得二絕句

水南詩集 卷二

三

竹外橫斜應更好草間的皪亦堪憐何如一片凝空碧
錯認朝來卵色天

陪文宗方石川先生登白水寺高樓

心知峩眉高及茲路始半登樓開四窗送目試一看欄
檻棲雲霞檐檻直河漢前山忽兩分對嶺若中斷坡陀
百里寬稔稻千畦亂叢樹藹邨墟頽沙辨江岸莽莽昧
高卑冥冥失昏旦探奇有謝公躋勝儼習慣樂與東山
遊因嗤峴首嘆登歷殊未央終期果前筭

舟次中巖得蘭數本喜成三絕句

綠葉紛披正及時聊將愛惜表深知瓦甌貯土徐澆水
却喜堅如大邑甃

紫莖初茁葉青青
蕙蒞江籬妬尹邢
他日小茵榆柳下
也應重構國香亭

蕭艾叢中黯自傷
年年空谷散幽香
卽今遠勝沅湘伴
雨榭風軒意趣長

送文宗石川方公如京師

江南佳山川靈異
前白嶽曠代鍾名賢
才德兩卓犖通籍
侍承明且暮親講屋
譚經舉玉杯著論非
酒權因之帝心簡
來視蜀人學衛道
啟光昌擯辭謝雕琢
豈繁藥在籠忍令玉
含璞賤子傷拙謀
頻年困謠詠一謁受
深知請益更晦朔
詎希孔壁光欲聽
虞廷樂報政合還朝
劍棧吟鞭握會須
官職崇坐使雲山逸
華門老迤賤清風
洗塵濁鼓腹泰階平
理世賴先覺

水南詩集卷二

十四

春日過鄆縣謁王明府

山公昔治鄆優游
有餘樂釀熟茶糜
香漱澼足斟酌是
時花正開向曉矜
綽約揮杯及良晨
翻竿刻竹惡賤子
本山夫衣布冠以
籜造請非有求一
醉或蒙諾廣庭扇
春風天字正寥廓

春夜

所歡期不來
幽窗藹花氣
彈劍復讀書
寂寥堪自慰

送蔡笠齋如京師

我昔遊青城
欲構藏書屋
樂與同志友
共作十年讀
遊罷暫歸旋
心顏謝羈束
何意染塵氛
茲意竟難續
延緩

心不憚欲任意所蓄一朝復一朝光陰同轉矚始信古人言讀書定須福吾友洵高才文藻邁潘陸蚤歲負時稱立履能自勗繁余守屯賤恣情惟卷軸任運悵悠悠許身容碌碌潛見倏異趨樹立有同欲辨鴻嗤楚越亡羊嘆臧穀崖壑尙依然花藥自芬郁他日賦歸來相期仍卜築

偶過陸海向先生不遇壁間有春日往鄆道經村

舍之作因步其韻

生於塵俗疾如讎交臂緣慳詎有由漫擬德公方上冢難期謝客共登樓草披曲徑光風轉烟抹平林冷翠流惆悵心情隨處惡眼前春物倩難收

水南詩集卷二

五

酒兵吟壘罷相讎勝地閒行且自由左右激湍逸少里西南纖月鮑昭樓學兼文史饒他技先生精于醫理隱託山林絕此流半日談諧期不得空餘烟景望中收

小茵五畝種梅將遍最後得綠萼一株植之齋側珍重愛惜宛如重寶花時獨坐其下賦絕句三

章

一几枕肱看素豔半毡鋪地坐寒香性情僻處存真樂
不管他人罵老狂

偕簡田過縣北友人家醉歸馬上攜海棠一枝得

絕句三首

憐香欲認嘉州種選豔應添益部奇無限嬌嬈難比似

玉環春睡曉粧遲

枝含細雨偏多媚
葢帶微風亦有香
喚作花顛曾不忒
風情差似碧雞坊

醉餘歸路春天暮
馬上徐看帶雨花
絕似明妃初出塞
一腔愁思倚鞍斜

賦得春城無處不飛花

東皇隨意布春華
爛熳名都十萬家
發興已憐香正淺
銷魂猶羨韻初賒
風前徙倚臨珠箔
雨後飄揚濕鈿車
趁得陰晴天氣好
幾多穠豔引人誇

贈鄒令董明府

車隨澍雨散冷風
好在春田細路中
臺笠有時稱杜母

水南詩集卷二

美

膠庠隨處羨山公
字人聲緩鳴琴適
爲政心閒詎牒空
欲舉玉杯求妙旨
茶蘼釀熟信初通

偕簡田修來過縣北友人
家道中口占

林間細路棘花明
朋輩相將趁曉晴
却憶往時山下路
疲驢斜日一人行

三月晦日偕簡田昆弟
攜樽過黃羽儀花下
泥飲

漫賦紀事

香滿茶蘼色正妍
攜樽同覓好春天
六朝衰屐何須擬
三月鶯花最可憐
清典莫辭狂客醉
澹懷爭識玉人賢
濃陰覆甕鬚眉綠
陶謝風流尙儼然

白玉丸用十蒸韻

繁花壓疊層層高樹離奇挂老藤
貌態擬霜還擬雪
精神如玉復如冰
天機到處憐飛鳥
鼻觀通時學定僧
酒熟鄆筒酷價賤
春風得意幾回登

立秋前一日池上偶成

碧池吹激澗攬物正清
嘉龜小堪巢葉魚多半
啜花蓼
洲秋影動苔岍午痕斜
時序遷流速因之興味賒

贈沈明鶴

如君不愧方荀隱
顧我何堪比陸雲
今日相逢作常語
莫將辭采競紛紛

雪中過友人家步北山韻

共喜談諧久坐深
風雪寒堦前
縈冷絮屋角
響明玕瑞

水南詩集卷二

三

兆來年樂杯從此際
寬點衣如可賦笑許醉中看

夜看綠萼梅口號

天然標格豈尋常
占盡園林一段芳
夜冷霜空人不倦
花前疑是白雲香

白蓮步羽儀壁間韻

亭亭素蘂在清池
標格天然水面枝
鷺下朝光同鷺翼
魚翻倒影共差差
色因不染香彌淨
開自無情墮亦遲
好謝衆芳叅白業
憐他綺語悞題詩

眼看田田欲滿池
碧攢烟水上
新枝雲溪豔質能無異
玉井靈枝較有差
席展波前酣醉久
坐圍香裏夜眠遲
明粧靜濯知誰奉
珍重於今合賦詩

梅花大放余以塵事奔馳夜始吟賞其下賦此自

嘲

窓前幾日慰相思塵俗羈人對酒遲贏得冷香深夜坐
慙勤把火照霜枝

紅梅

乙酉冬楚客貽余盆梅古吳佳種也培壅灌溉殆
將一紀丙申歲始花余時客鄞江聞老母對花憶
遠倍深淒慨明年來歸遂移植犀浦村園之東偏
花時舉觴其下足以娛親茲物不虛有矣園今梅
凡十餘種綠萼尤盛而日月之久無逾此者晨夕
相對輒題數語凡得五七言詩九章聊用紀事非
必希踪於作者也

水南詩集

卷二

三

紅梅故仙姿移根自勾吳短盆具天地極意闕榮枯離
離三尺長悠悠十稔餘乙未方元冬我當適上都臨階
理書劍回首空脚蹶此花乞慈親念我憐芳株踰年客
子歸臘月家慶初盆中花始盛附萼如赭珠自茲奉親
懽佳晨爲傾壺犀浦有邨豐蝸廬治新畝移茲作清伴
五畝忭同居豈惟挹芬馥兼欲看扶疎卽今大長成奇
狀難形摹蕭寥想風槩堅秀凝肌膚名姓古來有花應
天下無對花飲輒醉臥地不須扶清夢造葛洪丹砂乞
鮑姑舉此相視笑光豔定何如

我亦園中老爾從天外來盡含丹鳳味花映玉人腮帶

雪偏能瘦凌霜忽半開可憐桃李輩止合是輿儻

瓊姿占盡百花妍桃李紛紛敢並肩比似玉肌生酒暈
從來知已是坡仙

故傍紅香倒一壺冰魂雪魄賸蕭疎離離老樹迎朝日
錯認春風二月初

草閣疎籬景亦幽時時花下作勾留朱霞低射日亭午
不覺清寒襲敝裘

看梅終日眼偏青刻意求詩晚未停說與生徒當認取
何須絳帳始設經

認桃辨杏總堪嗤風格蒼巖色韻奇鎖日相看渾不厭
更燒紅燭照高枝

水南詩集卷二

堯

根埋醜石未全斂月皎風微看轉宜自向水霜含冷蕊
已倡桃杏作春姿丹砂欲認仙時夢絳雪偏留日下枝
屋繞衆香饒飫眼花前猶唱比紅兒

冰姿何事着輕紅比地胭脂在雪中寒色未能供世眼
春輝聊且見天工橫斜半樹山櫻破的皜繁枝海日融
欲挂短幡遮小檻防他悞起落花風

過鄆邑唁孫氏值黃羽儀招往巷北友人家折梅
一枝以歸馬上得絕句却寄羽儀

君憐歸路多愁寂折取寒香贈野人却愧此來詩思少
馬前辜負一枝春

薛蕙園過舍贈詩因步元韻寄答承許爲余作畫

往歲知名夢想勞見君才技羨君高憑將藻翰娛心志
會向雲霄振羽毛輞水詩人初造呂匡山淨社敢攀陶
明朝定作吳淞畫欲覓并州快剪刀

華陽張野人有梅二株得自陰平萬山下一名點
脂花碧色瓣間作小紅或有或無隱約可愛一名
紫暈較點脂形質畧同而丰神尤豔余甚奇之因
囑友人鄭重購歸狂喜彌日雖其名稱無據亦正
不嫌自我作古也植之書屋西南爲作三絕句

春風容易弄新顏酒暈紅腮斷續間莫遣胡兒輕看取
恐因繁蕊憶家山

冰魂雪魄天然好淡粉勻脂別樣妍可是玉人頰頰後

水南詩集卷二

四

嬌嬈偏露一痕鮮

見說夜來屏下立美人依樣作嬌姿何如看此梅花蕊
絕似曉霞將散時

梅花盛開待飲齋中因作絕句

樽酒娛親坐小齋布幃爐火旋安排時貧愧少兼珍膳
應爲梅花得好懷

小園植梅惟玉蝶最先余雖篤愛綠萼點脂諸樹
亦時時念此極意啗賞花若有知不作著簪之

感也

樹樹寒香總得春時時相對也宜人三年楮葉初成質
一夜蒙莊化後身素瓣倚風吹欲舞水心映月看還真

園中老輩誰當是看取羣葩委後塵

園梅頗佳自顧鄙薄常有非分之喜往來花下戲

作小詩

香山曾自詫福過爲妻孥余亦甘窮老梅花絕世無

衆梅將罷綠萼未開花品最高得春獨後有足概

焉

愁寂耽深念慙勤有夢思雪窗橫凍葢月地寫疎枝興
許幽人會春如閏歲遲國香蘭未發惟爾見余滋

過友人村居

陰陰桑柘一溪斜籬菜青黃半有花幾日春風無意緒
愛閒時過野人家

水南詩集卷二

晚過隣家看芍藥

廣陵嘉種是耶非浪說當時金帶圍幽臥也知芳氣好
且憑樽酒駐斜暉

雨

簷溜初懸處窻風忽起時淡香花冉冉新碧水差差遠
眺過原樹開懷向小池午餘雲未歛草木正華滋

天中前三日曉過蘇橋卽目

繞溪疎樹帶殘星溪畔茅齋夜不扃堰水奔流三道白
秧田競插一行青泥中酒態纔堪笑風裏農歌却暫聽
緩策不憂前路遠漫循烟草度沙汀

五日北山招飲感事書懷卽席步韻

飛雨絲絲強抱戟良朝雅集勸加餐詩疑斷劍拋塵外
字晒秋蛇縮筆端客右有時思授簡山椒無分聽鳴鑿
於今此會成嬉戲莫取湘纍舊事看

北山詩有致師之語因用前韻戲呈一首

八壓詞鋒恥據鞍還因羽檄廢朝餐縱橫未肯輸牛後
技巧何須擅棘端服慣緼袍慚重錦聽餘賈鐸想鳴鑿
偏師銳甚長城拔莫與江東子布看

池亭卽目

蟲魚得所亦幽妍點綴秋光倍可憐却訝狸奴欺鳳子
忍教金粉墮花前

晚登小樓

水南詩集卷二

望

多時空負一身閒列坐生徒晝掩關猶幸晚來書課了
登樓獨自望青山

移菊

鈴齋花罷委蒼苔移向村居靜處栽物遠人間無觸迕
好培佳色待秋來

暮歸村居

到春纔薄暮今日正初冬林竹有寒意野烟多瘦容放
懷天宇豁適世已情慵處士園居慣何殊住碧峰

小樓夜讀

夜坐東樓最上層霜飛几案冷如冰瓦鑪喧沸盈鑊水
書卷青熒背幌燈五夜靜緣曾不忝千秋素業愧難勝

春來定作躬耕計烟雨扶犁有舊能

紅梅玉蝶梅放

戊歲仲冬纔七日小園屋角見梅花重逢酒後吳姬面
又到山中處士家冷蕊半開疑帶雪疎枝斜照欲飛霞
多時寂寞愁如海忽漫相看興味賒

暮歸園廬喜瓶梅未罷

薄暮披書幌梅花在瓦瓶自然肝膽肅應得夢魂醒苦
硬非常趣從容不訂銘是鄉堪老我相對已忘形

高聲之送小松栽

夢想干霄質驚如絕世珍舊居辭遠嶂良會有畸人石
化疑留種龍蟠欲養鱗何當看百尺得共阮生論

水南詩集卷二

四三

聞說青松樹生宜醜石邊移根方此日偃蓋定何年老
桂遙遮映幽篁近接連會看舒五鬣憑爾飯神仙

蔡笠齋書來招余應薦以詩答之

已作三年別難期萬里遊奔騰看驥足慚愧說龍頭屋
許梅花繞山還桂樹幽著書消歲月此外復何求

遊龍興禪院

為訪前朝寺聊成薄暮遊塔開危欲墮塔建于唐大觀

裂數尺向北一角已廢碑久剝難留字豔味難辨古事憑僧說舊

塔嵌寶珠聖井院井中有龍時出吸取偽蜀明氏時有

人盜往嘉定平羌風波陡作中流龍脊如山船人大怖

索珠投之乃得全濟殘花引客愁牡丹零落滿地坐看西嶺日欲去重回

入西山

曲折緣山入澗洄一水長振衣風磴遠插帽野薇香自
喜消塵慮人嗤似古狂行行聊小歇松影漏斜陽

過白鹿寺一帶山溪

路入春風忘跋涉聊憑山月辨西東乘高小憩饒幽賞
繚白縈青入望中

畫眉

籠中昏旦苦消磨綺榭雕欄感慨多喚起春愁驚曉夢
不須人語似鸚哥

入石定江口經高景關望雪山遂宿長灘茅舍

奔流出兩山山形莽回互曲岬傍林麓坡陁向深處屢

水南詩集卷二

四

折勢益高登頓石罅步怪峰自離立土石相比附倒出
阻長灘濤聲若蓄怒半岩得隘口險仄不可度危欄置
橫木過者必驚顧北去走梅村沿江紆細路是時天正
晴雪霽見山樹九峰矗半天嗟峩競呈露平生望已熟
所見忽非故分別觀異同今昔各成趣解鞍憇茅屋簷
下清泉注晚食坐前窗東嶺出蟾兔須臾散林彩清意
祛塵慮山靜夜轉佳地迥心益慕冥搜慰奇癖茲行快
良遇前登想更幽嗟余還已遽稽首謝山靈重來免迷
悞

遊真相寺

石磴臨江起松門傍嶺遙勝情須自領幽趣轉相招徑

亂茶分戶畦肥藥有苗更看清絕處孤字在山椒

垂釣小池得友人毛翥蒼塞外手書

潛見因時意不疎古人風概定何如藕花香裏垂竿處
又得劉公一紙書

九日獨飲

坐對黃花成野酌何須有客共攜壺風前酌酌忘重九
但喜今朝一事無

園居

五畝園林二畝廬衆香深處是吾居日來鍵戶甘岑寂
坐對梅花讀晉書

園雪

水南詩集卷二

聖

霰雪連期集林亭逐處宜冷光饒鶴訝清韻許梅知對
景成幽賞衝寒動遠思何如驢背客蛸縮覓新詩

正月十四夜坐綠萼梅下戲作

春街夜午傳燈盛小院梅香正月明高士美人皆在眼
不將喧雜換幽情

正月十六毛翥蒼張希先劉浦九過小園看梅口

占

臘前蕊破香猶淺年後花開韻轉添今夜主賓成勝賞
何如索笑止巡簷

春日過城南舊遊處

小橋流水如故曲巷人家不同楊柳一灣正綠桃花幾

樹能紅

花朝過羽儀

韶光已是春分後佳日偏留我友家穠李夭桃俱謝去
傾城一樹海棠花

海棠初放寄羽儀二兄

小紅初破風姿嫩新豔纔看飲興佳共作花顛還共賞
不妨連夜宿高齋

紫牡丹放戲作

紫府真人邀我敬鞭鸞笞鳳苦追陪於今占得春光好
消受穠華向曉開

將往山莊道中口占

水南詩集卷二

吳

暫拋塵累作山行檢點時光倍有情桑老麥枯啼不歇
路旁猶有棘花明

桑老麥枯
二鳥名

龍興院破塔用壁間韻

破塔穿空俯一州恍疑開峽度金牛雲橫旣飢危將墮
蘚蝕銀黃散不收瞻眺有情還共賞躋攀無路欲誰讎
古來興廢何堪問鈴鐸搖風語未休

素食

山村散處人家遠僧寺僑居野趣多但使齋厨饒蔬笋
不知天上有酥醅

由溪口至白鹿山尋讀古碣不獲

山曙鳥聲亂雨泥人跡稀行行向谿谷棘刺鉤我衣聲

確取前路盤紆及翠微趨踐石上苔遠企岩間扉重崗
互迴轉一嶂遙巍巍其巔老木蟠其下青雲飛中藏蛸
蚪文不朽聞芳徽搜索等岫嶁嗜好深渴饑豈知劫火
餘勝蹟亦已非幽叢射干發密箐梔子肥林光帶殘潤
草露含朝暉清豔乃娛目馳蕩方忘歸却望來時坡塊
壘藏烟霏

滕振斯移寓小園

春前乘興欲辭家濯錦江頭買去槎塵外襟期常落落
寰中滋味止些些停雲有賦因聯袂今雨來人好看花
杯酒共貪文字飲更當新月照簷牙

水南詩集卷二

聖

壓簷翠竹引梢長多時屐齒隨花塢一片詩情在草堂
更得素心同領畧眼前淡泊卽滄浪

園居偶成步滕振斯韻

失學身成懶偷閒習未除文章趨淡樸襟抱只冲虛正
喜花無賴翻憐日有餘小齋來快友時論褚歐書
村園當僻地竹樹寫幽姿山石橫三徑水花香一池朝
睛看欲遍夜永坐忘疲不恨謀生拙清娛祇自知

偕滕振斯小樓夜話用壁間韻

一樓風月兩情歡不比他時會面難抱膝揚顏深夜坐
也應留作畫圖看

片雲池外一林疎紫竹千竿梅百株今夜月明佳客在

不教離索惱潛夫

雨後園亭納涼

晚食過涼雨披襟向小園
池花將斂碧林鳥正爭喧
水沒墻陰路風生竹外軒
自慚非靜者跌坐欲忘言

偕滕振斯飲羽儀二兄齋頭率爾成咏

賓主同心數止三坐無拘忌縱高談繞庭花竹秀而野
盡日壺觴清且甘自許一流原有合遠期千古不爲貪
村居僻左容吾輩世上浮沉性未諳

讀唐書文苑有感

史氏何須責魏收每將寸管狗恩讎
才如温李皆無行別有人間第一流

水南詩集卷二

哭

憶亡友張學先

送子歸夜臺悠悠歷昏曉舊蹟有寒烟
殞宮惟宿草豈無同輩懽思君令人老
百年一邱壑繫余茹荼蓼緬懷忠告心
不使塵氛擾清夜儻孤遊遭迴犀浦道

雨後有懷

小樓初過雨曲岍有鳴蛙坐久荷香入
風來竹影斜感時知許事覓醉可誰家
溪漲前村遠茅茨水一涯

溪口蒲灘白獺堰諸處遊眺

散步長林外流觀曲港西蝶開初罷舞
鶯老亦慵啼酒伴知難得詩魂剩欲迷
何如朱阮輩家近浣花溪

閱吳南英遊覽圖詠

披圖真欲見當年萬里遊踪在眼前曉月曉霜吳地路
秋風秋雨越人船湖山曲折知鄉土翰墨逍遙假靜緣
幸喜先生收拾得一回展玩一悠然

同滕振斯由田間至北溪橋側閒眺用荔蒼途中
見懷韻

拉將快友尋幽去放却雙眸曳屐遲雲氣隨龍王宰畫
水田飛鷺右丞詩清涼賦我忘三伏蕭散宜人占一時
更有小橋橫樹影倚欄回首動遐思

長日爰蒸困不支呼朋閒眺步遲遲雲山崔白千年軸
農事幽風七月詩坐老青毡宦素願行來綠野卽佳時
王裴唱和曾欣賞華子岡前好構思

夢松

水南詩集卷二

兜

成都織錦街南舊宅一區屢餽他氏矣庚戌夏夜夢
其偏有松一株大可合抱高三四丈許枝葉葱菁皮
間蜿蜿作龍鱗狀意甚貪之而惜其不爲我有也良
久乃覺記之以供一笑

舊居不到心常戀夜夢如真興轉佳若有青松誰是主
可容香粒飯洪厓

清興

悠悠清興在落落壯心降堪嘆騎鯨李頻思採藥龐蝶
輕容入座蜂小自穿窗入夜還幽絕濤聲送遠江

池邊小酌

野飲看羣動微風時一馨參差白齒蒼上下紅蜻蜒忽
墮杯中葉遙看水底星那能煎智慮仰屋究遺經

池花遣興

花淺池偏麗池平花更高自然成格韻終不起波濤露
坐清光逾山杯飲興豪醉餘休悵望水尾尙容舫

余過成都旅舍適有以訟事至者無賴三五輩挾
一豔婦迴眸側坐不勝妖冶之態因漫賦之

羈危難覓在家閒耐得喧卑坐臥間一種風情渾不改
滿腔幽怨正相關泥粘素襪窺新月汗漬蛾眉認遠山
雀角鼠牙因底事見人空自有羞顏

林西納涼

水南詩集卷二

五

長日迨炎暑愛茲修竹林兒童相繼來歡笑娛孤斟樹
根旣屢坐溝水亦時臨遙見青疇西忽覆山雲陰餘涼
映杯罍景物饒幽深溪風正嫋嫋堤樹還森森好懷豈
素得佳賞良自今

初秋

坐愁三夏一狂夫乍喜臨秋景物殊茗飲蔗漿歡可繼
松風水月興能無閒聽曉日喧林雀靜看清池沒水鳧
自此閉門揩倦眼小齋新繪讀書圖

風俗

風俗由人便從違祇自知衆中防尙口閒處好爲詩抱
一非無着逃虛未可期邇來鄉黨敬漸覺免瑕疵

卽事

清涼成獨坐爽豁在西園露石如經雨疎花轉勝繁臥
移臨水榻思切向風軒箇箇竹鷄下池亭靜不喧

秋蓮

瞥見秋蓮數朶紅似含幽怨在波中儂今解得長門賦
耐汝蕭蕭幾夜風

雨

撼撼來疎樹蕭蕭過碧池草深纔半偃蓮重已全欹爽
豁秋衫快清涼午飯宜蜀天無盛暑從此是佳時

過黃青田二兄留宿并示近詩喜而有作

良朝曾共訂累月始相過閒處篇章集秋來感興多識

水南詩集卷二

五

能趨漢魏思欲效陰何余愧知音者花前百遍哦

崇寧道中

細路前村北盤紆更向東心非山色遠目斷曙光空廢
邑看成聚時新設縣宰良疇羨屢豐江神有遺澤處處碧流

通

七夕宿蔡修來書屋

往歲稱觴逢乞巧君家伯仲各欣然一登雲路分飛去
今夕誰同瓜菓筵

歸自崇寧過黃青田二兄不遇

不忌塵外趣復憶夜深談路識花源口人過柳氏南小
池吹碧聚高樹隱紅酣扉敞長鬚出書留玉頰探稻香

隨我馬松影覆君菴他日涼風動重傾舊醞甘
歸心

地居天府古年在太平中稼穡資秦水文章沐漢風少
城犀浦近花市雁橋通客蜀還堪樂歸心莫向東

讀史有感

壯志何因便蚤休唾壺擊碎在高秋椅桐梓漆非難覓
麟鳳龜龍可共遊巧笑正如褒女笑煩憂空抱杞人憂
從教鏡裏朱顏改新署名銜作醉侯

午枕戲作

打窓黃葉下秋枝疎雨涼風午倦時腹不便便剛晝寢
難喚弟子得嘲師

水南詩集卷二

至二

涼雨獨飲

小齋微雨快初涼鸚鵡螺斟飲興長無限煩囂皆謝去
此時端合傲羲皇

風雨夜聞隣堰水聲

水奔高堰萬家歡夜臥虛堂枕簟寒一霎夢回喧兩耳
恍疑身在虎鬚灘

宿天迴鎮旅舍

奔走因何事幽憂自不禁偶來孤店坐絕似旅人心聚
蟻晴遷穴歸鷓鴣晚噪林靜饒觀物理那免暗塵侵

雨宿山店不寐

晚投山店傍江村挑盡殘缸未掩門屋後灘聲中夜怒

簷前雨色半窻昏安排好夢愁難覓壓疊孤衾臥不溫
荆郢舊遊多似此一回追憶一銷魂

夜渡有感

呼艇來過古渡旁眼前風物似江鄉更教水面吳歌去
不是愁人也斷腸

小飲山店

曉聽山寺動齋鐘馬踏秋泥過嶺重細雨飄林如宿霧
頭雲散野似頽峰行來犖确山程遠望裏蒼茫飲興濃
絕似天涯奔走客一樽聊復浣塵容

過友人村居

一別誰知廿五年重來難覓舊林泉門多露草成荒徑
屋壓烟蘿有數椽自是幽人能履吉從教過客去稱賢
茫茫往事何堪問且向秋窗共被眠

黃羽儀堂前雙柱大放爲賦是詩

金粟初開掩映黃幽人居處得天香月涵素影秋容淡
露濕高枝夜氣涼每憶南州誇謝客曾嗤小隱賦淮王
廬山萬樹蒼崖畔那得風流似此堂

題長林散步圖

郭熙情致每蕭然人在秋林野水邊應有熱官看不得
忙時羨爾似登仙

山泉道中同前韻

不怕清狂齒折梭香叢粉墜亦經過我曹自許烟霞癖

萬里難期風月窩
蟲臂此生佳事少
馬頭今日好山多
鰕生濩落無堪用
莫向榆關擬荷戈

山行

破曉登高嶺
春寒鳥未啼
倚鞭防犖确
班馬故驕嘶

春宵一刻值千金用岳北山韻

天氣初和日漸長
頭顱如此負年芳
板輿空羨閒居賦
畫繡難期太守章
不速客來欣夜永
亡何飲處笑春忙
清歡欲買還難覓
秉燭須遊莫便忘

重遊龍興院破塔用前韻

亂石排空詫九州
千秋急峽號黃牛
何如破塔危能峙
儼似頽峰勢不收
烟火下看饒閱世
風雷頻撼幾尋籬
無端望古增余慨
指點河山說未休

水南詩集卷二

番

山莊曉起作

經年不見山似與故人別
昨日更相逢
眼前足歡悅
遠岫沒陰霞
喬林隱殘雪
夜分凜冽寒
簷聲滴幽咽
僵臥曲如弓
重衾冷於鐵
何人破曉來
卯飲面就熱
拉我起看山
毫素亦具設
我心用煩憂
我才傷薄劣
賴茲山水緣
偶與俗塵絕
把筆望羣峰
烟雲方變滅

小樓望菜田口占

一春愁寂不成歡
九畹徒滋雨後蘭
今日小樓開笑口
菜花黃處倚欄杆

登尹仲甫屋後高臺步膝振斯韻

田間細路繞層臺
菜麥青黃望眼開
神思昏昏如晝夢
翻宜脚底一聲雷

欲豁春愁上此臺
竹溪環合曙烟開
滑川千畝余饑甚
驚笋何時起凍雷

未有文章敵玉臺
愁心倦眼爲誰開
何時攜得東山妓
妙手先彈小忽雷

爽塏初憐百尺臺
暫疑眸處好懷開
鮑昭竟欲裁書去
高岍如山擬大雷

空林烟影沒孤臺
襟抱何因得便開
他日有情題句好
還須細雨共輕雷

平鋪翠浪湧高臺
嗚月飛觴勝賞開
莫遣豎儒譏放達
水南詩集卷二

吠聲容易聚成雷

五五

攜樽選日更登臺
遮莫呼童笑口開
卯酒半酣春臥穩
醉鄉原自不聞雷

作意攜琴到此臺
拂雲坐坐暗塵開
絃調石溜音聲古
知是良工舊姓雷

漫將登頓習茲臺
曉月當頭宿霧開
看盡世間凡草木
踏莎應覓辟虺雷

憶昔曾登江上臺
眼前疎朗一樽開
塵勞此日昏如醉
安得清風起伏雷

風光空羨讀書臺
擾擾塵氛撥不開
那得三唐門戶入
欲將詩句問南雷

青城山翠接荒臺，壓疊雲巒望裏開。自此一邱成勝蹟，何妨遊侶似宗雷。

白馬

髣髴吳門正練光，三秋蒨秣氣方強。將軍攬陣還應借，定比當年小駟良。

晚眺步張希先韻

絲絲高柳弄柔風，綠水平疇似甬東。十五年前曾爛醉，空餘春恨晚烟中。

有感

花開曲檻酒盈卮，占盡人間一段痴。今日有情空悵望，綠楊橋畔柳絲絲。

水南詩集卷二

五

清明感懷步張希先韻

奔馳虛負一春花，烽火難尋海上槎。夢怕晚駝鳴野戍，眼看新燕乳人家。晴風拂拂吹千里，溪水泠泠碧一涯。寒食已過愁思劇，那堪林影又西斜。

移栢樹栽

翠似松杉細似毫，揮鋤分種不知勞。卽今得地全根穩，他日參天幾樹高。

春行步張希先韻

靜裏年光逝水流，書名空欲傍巢由。偶來平野舒心眼，銷盡閒居一段愁。

遲勝振斯

相期意不輕計日在青城那得都諸俗還須自有情花
經三夜雨林試一聲鶯辜負荼蘼釀臨風想共傾
老我耽疎放惟君許素知酒邊觀阮籍琴外得鍾期屢
作南樓待空存仄徑思鶯花三月尾倚檻罷題詩

看深紅牡丹用滕振斯韻

開處疑添色

譜有添色紅

移時自淺深主人慚老眼知絕看花心

拚向穠華醉還思絳樹歌春愁銷不盡欹枕夢金鸞
好花開谷雨日日放幽懷直恐飛來種歸如玉燕釵
是花如好女對我拂修蛾羞勝青蓮醉宮奴恥脫鞵

夢前韻四絕句

百卉擁芳林春光此地深未應三夜雨虛負一年心

水南詩集卷二

七

名花當共賞新句亦堪歌猶勝西池上清涼獨咏鶯
惱殺名花色羞稱曠土懷風來嬌不定彷彿墮金釵
法露溢秋波微風斂淡蛾宮娃能似此不着五文鞵

卽事

春光偏在野人家鹿眼籬邊小徑斜解得有情應共賞
不妨遊女過看花

岳北山楊廣譽滕振斯過看牡丹卽席限韻

可人聯袂過看花玉屑紛紛豔齒牙倦枕覺來雲雨夢
好風吹上海天霞簾飄竹外時窺鳥酒泛花前不影蛇
未許良朝虛勝事且乘春月步還家

列坐拈毫對此花何須素手拍紅牙嬌如卯飲酣春睡

豔比新粧號曉霞麗句莫嗤千里月顛書欲縮數行蛇
筆床茶竈粗能具屣步時時過陸家

曉起看花再疊前韻

連朝倦眼但看花慚抱當年許叔牙檻外柔風飄翠幄
簷頭嫩日晃朱霞攄懷直比忘憂草覓句翻嫌畫足蛇
春色滿園堪盡醉何如獨樹老夫家

園居偶成

樹有啼鶯檻有花不須纖指按紅牙風流顧曲周郎悞
一卷陶詩坐日斜

有感和滕振斯

短才終愧落清狂逝水浮雲祇自傷那得幻緣都不染

水南詩集卷二

庚

逝仙聊復擬曹唐

縛花藤爲篷遮小樓簷

樓開屋角面清池風雨飄搖歷幾時結得虛簷聊庇汝
花天月地總相宜

同張希先看芍藥

翻堦尤愛數林紅無限心情一畝宮江令不須誇壁月
陳王空自憶驚鴻樽前健筆追庾信坐裏清談似阿戎
最是午餘花暈好宛然頰頰欲當熊

夜雨步張希先韻

問奇剛欲辨終葵細雨斜飄近拂楣入夜蒼涼簷影暗
攪人愁思樹聲吹詩筒壓疊情難遣筆陣縱橫靜可爲

却笑幽絲琴筑闌不逢樽酒浸霜髮劍南詩繞簷點滴如琴筑支枕幽色
聽始
奇

夜歸村居

說劍論文百不如受閒時過隱人居無端搦戰分劉項
深夜歸來醉跨驢

清明前一日見郊遊者

大鹵門外春郊路石笋街旁古墓田
袞袞來遊空里巷
飛飛攫食下烏鳶
蜃珂去馬衣衫麗
金犢迴車意態妍
最是歌呼成陋習何人澆酒及黃泉

道中望西山

宴遊多愧里中豪
賸有閒情屬我曹
渠水縱橫朔口近

水南詩集卷二

五

雪雲明滅九峯高
村前叱叱驅黃犢
林外飛飛見伯勞
笋蕨鄉中春正嫩
欣看細路入秋毫

春園

眼底春光劇可憐
甘如食蜜認中邊
映窓花竹秀而野
繞屋池塘清且漣
初日上時觀氣象
暖風香裏悟神仙
此生自分饒虛度
爛醉紅妝翠幄前

綠萼梅

瑤臺伴侶盡堪憐
過眼還應有後先
初訝雪殘仍覆竹
旋疑波冷更浮烟
山窗瘦影愁中趣
紙帳寒香夢裏天
斜照數枝爭秀發
野人應許得春偏

千葉紅蓮 并序

種自吳西楊郎鑿池植之經數歲始花予聞而未覩
今日順子約以來輒題二首

故鄉曾記是吳中此日方池綠映紅萬里移根沿水脈
三年鏤葉見天工攜將馬首春臺近貯向窓前鼻觀通
却笑老狂增舊感江南江北醉臨風

九日讌集法雲寺

欲尋清境快同遊來到江村意自幽秫酒碧涵初地影
菊華黃占滿籬秋靜中賞識無他事塵外襟期見一流
颯颯野風吹短髮好憑身健莫搔頭

過德元寺

扶醉江村信步遊一涯寒水更清幽沙明堤昝日亭午

水南詩集卷二

本

葉響林梢天暮秋蕭寺傳杯重爛熳餘酣起舞曠風流
晚來相視憐佳節歸路何妨菊滿頭

天迴鎮北二里許小山榮繞山麓海棠一株欹側
荆棘中土人不知貴也

名花空自委林阿墮粉殘香奈爾何恰似黃州逢絕豔
頓教流落感東坡

秋夜館中自遣

宿府當時感少陵千秋風槩使人興誰家靜夜鳴雙杵
此客空齋對一燈行誼欲高仍未就文章有價竟何曾
明朝且向江村去繞檻黃花正可凭

聽濤樓登眺

卅年風雨憶曾遊今日重來水際樓白散曉灘奔檻外
翠生孤嶂壓簷頭山村合路人如蟻野店當門樹蔽牛
更上一層誰共語好憑空濶放雙眸

招友人看紫牡丹步北山韻

春來意緒苦怱怱日暖風柔興不窮漫把穠華招隱逸
肯教高價走王公壺觴遞引歡能繼絃管頻催曲未終
豐願一枝當老眼還應稽首謝天翁如臯志洛陽紫牡丹無種自生有欲移之者於旁根得謂云此花瓊鳥飛來種只與人間老眼開

愛餘齋夜話同張希先蔡修來分韻得鶯字

不羨歌喉似蚤鶯楊顛抱膝意崢嶸曹劉風趣應如許
華邴胸懷豈未明鶴警中宵還並坐犬逢他日定歡迎

水南詩集卷二

空

老杜犬迎曾宿客紅燈炮處談偏劇簷外星光得夜晴

雙女墳

舊傳偽蜀王建大小徐妃墓在清白江側花街里辛
亥春日余偕張希先蔡修來往彭州道經墓下希先
拈韻索賦各就一章

姊姊嬌燒擅一時宛然紅豔在春枝小徐號花藥夫人曾因翟

弟邀深眷却爲江山賦好詩大徐詩云周遊靈境散幽情千里江山暫得行小徐

詩云此來爲看江山此行此日荒涼遺壠墓何人瞻拜肅威
儀二喬二趙名俱在比似風流恐未宜

張希先養疴蕭寺詩以慰之

輿歸瘦骨訝支離儻得僧房榻旅移市利朝名心可息

周妻何肉事非宜已看立德襟情迥復憶尊生覺悟遲
彌勒同龕應宿分耳邊禪誦夜燈時

其二

清磬聲中日又西蕭蕭風物似山棲安神自比閨房勝
度世誰於佛理齊燈壁翳光窺穴鼠藥爐添火聽隣雞
塵勞洗滌心無累雲白孤鷺鳥自啼

渡黃河

客子初來黃河邊黃塵濁浪遙相連開帆捩柁杳然去
心搖目駭天迴旋頃刻安危不可料唯有舟師自言笑
一篙熾斫若輕雲回首波頭風峭峭

小園初放牡丹一本深紅倒暈顏色甚殊按之舊

水南詩集

卷二

三

譜名皆不類余惜其抱質如此而不蚤見知也
嗟賞無已聊賦是詩

天彭花暖春風深中有異種來孤岑當時刷苔如採玉
宣論走馬須馱金移栽吾園五谷雨護惜直抵干璆琳
竹間水際頗寓日和寒暑雨尤關心今年蓓蕾忽競發
儼若快友開疎襟雪膚鮮淨紅玉軟尋常世眼非知音
韓郎染根那可詫瑤島分種良堪欽一叢深色豔羅綺
十日貪看饒嘔吟醉翁已沒芳譜在誰拋俗累偕幽情
雪中移植月桂樹子率爾成詠

小齋叢桂逼分本玩婆娑雪下根菱潤春前氣漸和孕
香秋思滿寫影夜晴多種樹書堪讀休嫌似橐駝

小池垂釣

戴笠持竿了此生，羊裘老子豈忘情。
憐他葦裏黃鸝者，一艇滄波無限情。

憂旱

一綫流泉幾處分，青苗真欲變黃雲。
何人更有通幽術，爲報江神英烈君。

黃沙晚眺

獨坐村原上，風烟澹似秋。
意行無定所，晚食遂茲遊。
屯廢寒沙集，谿深古水流。
女郎山色近，緩步一凝眸。
黃沙五谿谿側有屯相傳武侯所開今成沙阜矣

菩薩頂

水南詩集卷二

三

絕頂高何極，青天近可捫。
望中全蜀小，立處一峯尊。
霧合晴疑雨，雲垂晝亦昏。
平生心眼在，於此認乾坤。

園池初秋

吳越喬粧點，荆關舊畫圖。
眼能開僻地，身已是潛夫。
映樹三竿日，搖風一葉蘆。
秋來當早起，不怕好懷無。

曉經西田看玉壘作

積雪高衆山，山腰纔斷碧。
千層壓林莽，萬古絕行迹。
晶瑩射朝陽，凹凸盡奇石。
平生乃習見，愛茲故成癖。
一望一回佳，羣峰羣玉白。
心遠接微茫，目窮惟崖客。
縷縷陰雲生，重重嵐翠隔。
何當岷江隈，更卜幽人宅。

偕滕振斯登城遠眺以往來成古今爲韻

吾年過四十百事無一成豈不感時節蹉跎抱深情今日隨春風攬袂登此城同遊具高懷談笑方縱橫仰視浮雲馳俯瞰江水明悠悠適相對頗足見生平

題李西田海澗天空圖

先子昔城居交遊困紛擾獨與君尊人在還敦古道余時尙童年奉席從二老嘗於談笑間聞君行誼好君家在豫章會面苦不早及君溯江來我復之燕趙數歲始歸還相逢一傾倒益信昔所聞如君世誠少龍也愚且拙百事無一了食力就田廬任心樂魚鳥今年病赤目柴門久不掃佯來示新圖頓使眸子瞭天海自蒼茫雲濤方浩淼高懷非世情曠致出塵表結交擬先志素節應共保悠悠自古今眼底山川小

水南詩集 卷二

李西田

題楊彤蔭風雪尋梅圖

昔聞襄陽老探梅遍山邱茫茫千載中孤興無匹儔先生本曠士聲譽馳九州畫手貌清姿披圖見佳遊梅花夾路開風雪方打頭吟鞭倚黑衛天地窮雕搜人生懷抱佳攬物快雙眸安能凜寒沍兀坐傷煩憂舊居傍苕水篙檣鳴春舟時時見窠花覓句爲勾留茲行復何地景物饒深幽鴻影一過雲踪跡焉可求賢達無古今素業追前修孟子終裋褐名與江漢流圖意雖偶同清詩適相侔游資具胸府天宇空悠悠

湖邊游女越羅裙
緩緩歌聲醉裏聞
多少客愁驅不得
南峯高下萬重雲

其二

湖上風光取次行
花間蛺蝶柳間鶯
何時獨傍南屏泊
靜聽蒲牢吼一聲

其三

緩棹輕橈去自遲
行行又過白公祠
尋常歌管臨風聽
猶似當年唱竹枝

卽事感懷

隱矣曾經喻兩牛
誰知積弱似東周
市魁豪甚儒生賤
坐對殘編黯自羞

水南詩集卷二

五

其二

嘗嘆衆口說趨時
釣水耕山我自知
今日人情榮黜僮
欲居近市習喧卑

其三

薰德曾聞可善良
古人在矣姓名香
區區此輩皆予侮
應愧不如王彥方

余與佑人別經三載
甲午歲春首相依
月曾邸舍語次追及往日賦此答之

石火光中事不齊
三年奔走各東西
身經劍棧魂猶悸
夢到邛峽路轉迷

余北遊往返佑人皆客建南

欲倚素心憐二鳥可

能深夜舞荒雞
情親似汝應相念
野店山橋有舊題

立春瑞雪賦并序

祥瑞之稱自古而然然或卿雲屢見無補於農功芝草叢生何裨於歲事詎若五風十雨可以慶盈虛而書大有乎乙卯之冬

京畿內外雨澤偶乏

皇上顧諮大臣省厥庶政暨於立春密雪遠布

聖情悅慰復勗在廷共迓豐亨羣臣仰戴

仁恩爰拜首而爲之賦其辭曰

聖人御宇萬類皆振海宴河清樂舒長之歲月衢歌巷舞慶熙俾於民人撫景物而山川卉木之咸麗瞻氣象而郊野邦甸之維新夫何地有愆陽歷時不雨繫二麥之未蘇何百物之能吐雲黯黯以蔽日烟淒淒而翳樹彷彿乎南土之炎蒸迥殊乎朔方之寒洄以茲時事獨厯

聖心豈布令其未善何沴氣之敢侵

宮府以乾惕共勗卿尹以敬謹相漢旣勤修夫庶政抑省察於僉壬天處雖高厥聽乃卑春應候而不爽德相感而不違攬迢遞之芳甸看霰雪之交飛木欣欣以將華草青青而乍肥爾乃雲中貝闕天半瓊樓冷生朱戶冰涸銅溝素影翩翻繞上林而皆徧寒光皎潔包禁籞以咸周天開

玉殿之春共覩

龍顏而誌喜地溥青陽之澤羣看虎拜以揚休若夫邸第縱

聖德

橫街衢曠朗家咏麻衣人披鶴氅玩壁臺以竟日忘憂
臨璐達而一時拊掌蜃珂鳴處載鮮素以周旋鳥輿行
時映晶瑩而來往喜神功之赴節時不舛於後先惟
聖德之動天應乃捷於聲響爾其斜飛郊郭遠灑鄉村生成
麗景滌盡塵昏被壠盈疇覺土膏之彌厚縈坡拂澗知
陽澤之皆存和氣初升葦笠歡迎於井里農功不忒錢
鑄樂奮乎田園洵三時之不害胡一飽之足論至於敷
被山川霑濡林泉匪耳目之可樂乃安阜之稱先白遍
巖蠻遠近凸凹皆一色潤流疆宇迴環襟帶以無邊藹
藹浮浮共落膏腴之地漉漉奕奕都成和煦之天惟呈
祥於

水南賦集卷二

卷

上國乃兆瑞於豐年於時順成可卜朝野相歡天垂福善
之應

帝知

稼穡之難曉休徵於萬姓警逸志於千官覩巖廊之悅
豫慶海內之又安乃歡乃忭起而作歌曰皇穹鑒臨兮
無私一德相感兮攸宥瑞雪布兮歲可知澤吾人兮肯
後時蠲不生兮莠不滋萬寶告成兮慶奕禩之如斯

天光雲影賦

水之爲德涵濡無方旣濛濛而曲折亦傾注而彌長故
工取其平自有得心之妙而人以爲鑿誰如寫影之良
鏡天容而貽宕映雲物以爲章奚必馳情於海若聊爲
畱盼於方塘蓋浩淼之觀天光臨則愈助其開朗而漣
漪之致雲氣流而益覺其汪洋試爲瞻茲清影挹彼瑩
光能不快襟懷之滌蕩資吟嘯以徜徉也哉乃若曉霧
初開信風徐來波欲生而乍止浪將起而仍墮箇箇浮
鷗點染縠紋之縐雙雙睡鷺從容巴字之回朝雨洗長
空倒浸蔚藍於水底微塵離古鑑儼看誅蕩於江隈觀
眼底之虛明迺上接乎空青悅天光之勝致亦流覽而

水南賦集卷二

天

怡情水以光而彌煥光以水而彌清樂心胸之皎潔快
耳目之晶瑩至於流雲寫影若斷若連乘風微漾非後
非先冉冉孤鶩迺若若啞之鶴離離漫吐虛疑遠浦之
烟卽之香溪鳥翻飛而在上望之宛在鱗遊泳以過前
幻若蒼狗素衣旣倏忽而莫定奇如連峰疊嶂亦層次
而愈鮮或乃涼颺遞生清波晝起翳薈濯枝葦臨溪
天一陰而一晴雲乍行而乍止旣交互以生姿乃容與
而益美視蒼蒼之正色何白雲之在水至若天空雲淨
高下相涵樹無冒絮山遠浮嵐薄暮晴暉雲斂黃山之
頂遙空霽色天清夢澤之南句咏溶溶詞客覽茲而興
逸詩稱湛湛騷人對此而情酣況夫生逢盛世歌賡復

巨昭回于天倬彼雲漢偶起封中則膚寸而自致滂沱
倏斂天末亦瞬息而能彰燦爛金柯玉葉旣無心出岫
以呈奇綠字赤文復得一以清而垂鑒方將繼周雅以
作人同虞廷之紉縵爰溯洄以瞻矚敢矢音於颯颯用
倅色而揣稱美雲間而天澹

分寫合寫四字俱見精心而揆藻摛華全是六朝文
字非俗下浮光掠影者可比

水南賦集卷二

堯

沈香子亭賦

卽李白奉召進清平調事也大人先生命爲作賦賦曰
天寶之初政體方明輔弼有寄烽燧無驚勛戚同分陝
之重郡國爲耿寇之清暫闢離宮豈銅爵虎祁之偉麗
間開別館異長楊五柞之縱橫取靜淡於禁籞托蕭散
以娛情爰標勝槩撰此良辰眾悤映日髹几無塵當機
務之清燕樂駘蕩之濃春緣感恩而製曲羗授管於才
人跡比對揚事堪吟弄章成俄頃捷於擊鉢之詩義取
迴環密似連珠之諷屈平之沅蘭湘芷以愛玉而縈思
宋玉之朝雨暮雲亦感君於易動露華入咏詞自因景
而新飛燕含譏諛不以文而貢祗今千載尙憶當時嫩

水南賦集卷二

三

日移階上苑之春光倍好和風扇物小亭之淑景尤宐
舒氣解顏非復書室坐愁之舊揮毫落紙遑云隨風珠
玉之奇倚馬可千言信文章之能事瞻天逢一咲結寵
渥之淡知若夫宣室受釐雁池應命席以夜半而前事
許分題而詠雖彼此之遭殊亦後先之輝映然而玉簫
金管姑爲江上之吟黃鶴白雲甘遜樓頭之句相如游
倦取酒無金庾信思哀竄身作賦錦袍炫體誰欽稽古
之榮青史知名徒羨右文之遇人詫其奇我觀其內世
一龍而一蛇道或進而或退彼爲鴻雁麋鹿之顧者接
對故疎而逞月露風雲之辭者篇章亦碎矣先生微陋
此孰可任以授副墨觀古知今

麥秋賦 以豐年際聖明爲韻

有冲襟先生者與其客分日而遊三山之巔孟夏月朔
登道山踞烏石喟曰天下晴雨不時寒煖不一之候東
南皆然而闕爲甚值此春深夏淺被壠穠黃抹坤一碧
蓋麥秋也客曰登高能賦古人尚焉曷賦諸先生曰唯
唯否否畊烟釣水不蘄知而知睂山所以自詫世農也
質言之無當將侈言之僕則安能客乃拂髭几擘蠻箋
以不律相屬先生不獲已爲之辭曰

無諸之國海嶠之中山環水繞野曠天空霞標晚日霧
斂朝風何遙情之有託放遠目之無窮泓以成溪灣以
成池見曩昔墮高湮庫之事潤則如酥平則如練知此

水南賦集卷二

五

日犁廉勞再之功羗由忙而得暇迺轉歎以爲豐都都
鄙鄙陌陌阡阡谿澗蔬圃樹畏炊烟黃犢駢頭牧聚平
沙之渚烏犍曳尾耕迴潮落之川恍惚乎馬人龍戶依
稀乎海客通仙斗折蛇橫紛綠塍之繞舍穀迴輪轉遵
細路以穿田農歌素女江澹處處長春紀社地闢青牛
潭上時時大有書年爾乃寒與春歸景隨氣霽入恢台
之孟夏凜炎德於南州覩黃茂之來牟慶海疆於樹藝
浥曉露而花輕舞迴風而浪細千層壓壘宏開蛟蜃之
鄉百頃縱橫富在幽岐之世雲委野而未收穀卧泥而
交蔽腰鎌採穫宛若青霜白露之晨捧席周旋依然剝
棗烹葵之際撫此盈宣仰思賢聖星異占於九州食通

濟於八政青箠鳴雨水苗以秭稻爲先黃篔掀蓬海國
以魚蝦爲命唯晨昏之自足旣以各適其宜悵帶薦之
同甘孰爲知味之正迺移二麥俾茲萬姓時屆而與梅
俱黃歲登而於夏獨盛芳草旣歇候蟲變聲惟斯應令
不負朱明倘高廩之可溢敵萬寶之告成將爲崆峒之
思乎以寄慨於冥漠抑爲兩岐之頌乎以歌咏夫太平
餅餌充筵別作品題之適炎蒸滿座不嫌吟咏之清或
乃是古非今借菽雜而擇先熟否則因時隨俗佐鼃龜
而飽南烹客方屏息意若有得率吐胸臆以援副墨

水南賦集卷二

